



喜迎二十大 诗词歌盛世

南歌子·岁月

□ 李文夫

起舞添岁月，
欢歌向北方，
轻烟楼外锁湘江。
夏热秋凉陶醉，
更冬藏。

峻岭凭观望，
群峰靠扮妆，
晨曦红日耀霞光，
逐梦中华崛起，
铸辉煌。

御街行·春雪

□ 洪福良

洁白曼妙从天宇，
素娥静，
迎青女。
空灵飘逸似轻纱，
姿态轻柔如絮。
一冬祈盼，
润泽何处，
千里琼田玉。

尘埃尽扫还无举，
满庭院，
萦心绪。
催成梅朵吐芬芳，
揉尽清香谁与。
一行脚印，
红笺清字，
直把眉心绿。

青玉案·描春余憾

□ 金秀梅

东君一夜呼晴暖，
柳荫外，
斜飞燕。
浮泛紫烟迷弱管，
琉璃水面，
双鸳顾盼，
唯恐生宣满。

忽闻风啭书香苑，
浅笑轻颦赛春面。
方落笔时声已断，
青鬟翠钿，
蜂腰玉腕，
转眼无从见。

一七令·冬

□ 韩长柱

冬。
地冻，
河封。
风舞雪，
柳垂松。
峦野隐色，
鸦雀藏踪。
松寒疏影寂，
梅俏暗香萦。
故里醉斟酒暖，
亲朋围坐炉红。
桃符欲迎春万点，
爆竹来贺乐千重。

减字木兰花·春

□ 徐华文

春光旖旎，
陌上桃红方吐蕊。
淡淡馨香。
也醉晴空雁几行。

风和煦暖。
一抹流云飞去远。
缕缕炊烟。
飘落青山绿水间。

浣溪沙·冬藏

□ 马春国

玉剑低垂守碧窗，
山空水寂正冬藏。
野田零落雪茫茫。

且念薪柴炊稻谷，
休言丹药胜苗姜。
顺时自古好宁康。

章台柳·秋光好

□ 姜宝忠

秋光好，
秋光好，
露润霜凌犹劲草。

漫野枫丹帝女黄，
果实丰硕农夫笑。

应天长·百合

□ 邓 微

百合含露凝香瓣，
深碧浅红妆不懒。
清新面，
依稀见，
移取几枝来做伴。

夜来花欲绽，
香满后庭前院。
顾盼娉婷吐艳，
蛱蝶舞款款。

七律·秋望

□ 刘小茹

波光一缕映竹楼，
独倚斜栏暮色秋。
湖水澄明鱼自悦，
岭松苍碧鸟闲悠。
株株菊艳描新画，
片片枫红绘远丘。
景入芬芳诗意醉，
痴情泼墨卷中收。

七绝·咏风

□ 张树伟

阳春拂面不觉寒，
夏为惊雷作阵沿。
欲换新枝催旧叶，
邀来瑞雪净尘寰。